

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Salomo.

urn:nbn:de:gbv:45:1-18303

quam habeo, impositum, deducite Gehonem
 eumque ibi tu, Sadoce, & tu Nathan, Regem
 Israelitarum ungitote: tum tuba clangitote,
 Salomonem Regem salutatote. Deinde vobis se-
 quentibus ipse venito sessum in folio meo, pro-
 me regnaturus. Hunc enim tum Israelitarum, tum
 Judæorum Imperatorem esse jubeo. N. Fax
 Jova Deus tuus, domine Rex, ut quemadmodum
 tibi adfuit, sic adsit etiam Salomoni, ejusque so-
 lum etiam supra Davidicum extollat.

SENTENTIA.

Sapientioris consilium sequi, sapientia est.

SALOMO. 1 Reg. 3.

ARGUMENTVM.

Duarum meretricum litem, de oppresso
 per somnum alterius infante contendentium
 dirimit Salomo divina sapientia.

Meretrix, Salomo, Altera Meretrix.

Tuam fidem imploro, o Rex! audi me pauli-
 sper. S. Quid novæ rei est? loquere. M.
 Ego & hæc mulier in eadem domo agimus,
 utraque peperimus: sed ea triduo post me. Cum
 que domi essemus, neque quisquam præterea ad-
 esset, mortuus est ejus filius noctu, ut forte in-
 cubuit ei. Itaque media nocte surrexit, & surre-
 ptum meum filium, qui meo lateri accubabat
 supposuit sibi: suum autem mortuum mihi, me
 dormiente. Mane ubi me crexi, mammam in-
 fanti datura, video mortuum. Hic ego, cum jam

diluxisset, dum eum diligenter contemplor, animadverti non esse eum, quem pepereram. *A.* Non ita est, quin meus est, qui vivit: tuus, qui interiit, *M.* Imo vero tuus mortuus est, meus vivit. *A.* Mentiris. *M.* Non enim vero mentior, sed dico, quod res est. *S.* Utraque suum esse affirmat eum, qui vivit, demortuumque repudiat. Cedo huc mihi tu cultrum, partimini æqualiter puerum viventem, & date utrique dimidium. *M.* Obsecro te Rex, detur ei potius totus, quam intereat. *A.* Nec meus esto, nec tuus: placet dividi medium. *S.* Eum adjudico priori, quæ perimi vetat: nam ea mater est.

SENTENTIA.

Ad plerasque lites dijudicandas opus est divina sapientia. Judici multa simulanda sunt, ut sapienter judicet. Et verum & fictum amorem res ipsa detegit.

ROBOAMVS. I Reg. 12.

ARGUMENTVM.

Roboamus repudiato senum sano consilio, juvenum insanum consilium sequitur, de opprimendo majori insuper servitute populo, quam ipsius pater Salomo oppreserat.

Roboamus, Senes, Juvenes.

Petiit a me universum Israelitarum vulgus, ut quoniam meus pater jugo eos pressisset, ego illius servitutis gravitatem levarem: se enim ita demum